



JABATAN WILAYAH PERSEKUTUAN

Blok 2, Menara Seri Wilayah, Presint 2, 62100 Putrajaya

Tel: 03-8000 8000 Faks: 03-8889 7957

Laman web: www.jwp.gov.my

SIARAN MEDIA

SUMBANGAN KHAS WILAYAH PERSEKUTUAN KEPADA PPDK WILAYAH PERSEKUTUAN

KUALA LUMPUR, 17 DISEMBER 2024 – Menteri di Jabatan Perdana Menteri (Wilayah Persekutuan), YB Dr. Zaliha Mustafa menghadiri Program Pemulihan Dalam Komuniti (PPDK) pada hari ini di PPDK Permata Brickfields. PPDK sebelum ini diwujudkan oleh Jabatan Kebajikan Masyarakat (JKM) tetapi telah diselaraskan semula sebagai Badan Bukan Kerajaan (NGO). Kebanyakan PPDK menyewa fasiliti seperti rumah kedai dan rumah persendirian termasuk fasiliti kerajaan seperti kuarters Tentera dan Kuarters Penjawat Awam. Terdapat fasiliti PPDK yang telah usang memerlukan pembaikan segera. Ada juga fasiliti yang masih dalam pelaksanaan pembaikan dan pembelian peralatan termasuk keperluan asas seperti kerusi khas untuk pelatih *cerebral palsy*, alat permainan *montessori* dan peralatan terapi lain bagi membantu melancarkan program pemulihan Orang Kelainan Upaya (OKU).

Bertepatan dengan teras inisiatif Program Usaha Jaya Insan (PUJI) di bawah Jabatan Wilayah Persekutuan (JWP) iaitu *Ihsan@PUJI* dan *Infra@PUJI*, Jabatan Wilayah Persekutuan (JWP) menyalurkan peruntukan khas kepada PPDK Wilayah Persekutuan berjumlah RM710,00.00. Sumbangan kepada PPDK Wilayah Persekutuan telah diberikan sejak tahun 2023 melalui JKM dan semasa pelaksanaan Program Semarak Kasih sempena Sambutan Hari Wilayah Persekutuan. Semua PPDK Wilayah Persekutuan telah mengemukakan kertas permohonan untuk pembaikan fasiliti dan peralatan yang diperlukan oleh PPDK bagi kegunaan pelajar dan anak-anak pada tahun ini. Ini secara tidak langsung dapat memperkasakan PPDK di Wilayah Persekutuan selaras dengan agenda MADANI.

Sumbangan khas JWP tahun 2024 ini disalurkan terus kepada 15 PPDK merangkumi 10 PPDK di Wilayah Persekutuan Kuala Lumpur, 3 di Wilayah Persekutuan Putrajaya dan 2 di Wilayah Persekutuan Labuan sejak bulan Julai hingga Disember. Ini mencerminkan usaha dan komitmen Kerajaan untuk memenuhi keperluan komuniti OKU secara menyeluruh selaras dengan agenda Malaysia MADANI yang menekankan aspek kesejahteraan rakyat, keadilan sosial dan pemeraksanaan semua golongan termasuk OKU dalam membina peradaban bangsa Malaysia.

Semoga peruntukan ini dapat dimanfaatkan sepenuhnya dalam memberi penyelesaian komuniti OKU di Wilayah Persekutuan khususnya anak-anak kurang upaya PPKD supaya mereka dapat belajar dalam suasana yang kondusif dengan kelengkapan yang mencukupi. Diharap terdapat organisasi-organisasi swasta dan *NGO's* yang boleh berkolaborasi untuk terus bekerjasama dan sama-sama berganding bahu supaya dapat meningkatkan lagi kualiti hidup setiap lapisan masyarakat ke arah komuniti yang lebih sihat dan harmoni.

Disediakan oleh:
Bahagian Komunikasi Korporat
Jabatan Wilayah Persekutuan
17 Disember 2024